

À mezu à la rena di u disertu, Nantu à una spianata è à l'apertu
Mediteghjalù puru u gestu offertu

Tù chì voli murà, A petra di l'avvene, Citadella da fà
Di speme per dumane, Di speme per dumane

U nimicu circonda li to lochi, È ne vedi ogni tantu li so fochi
Chì ti facenu a spia s'è tù ghjochi

Tù chì voli pisà, A to casa di mane, Ùn ti manca da fà
Pè le strade suprane, Pè le strade suprane

Chì tuttu hè scambiu è leia trà di noi, Trà la guerra è la pace ch'è tù godi
È capiscimi avale s'è tù poi

Tù chì voli sallà, L'amicizia di pane, Cù lu sangue à metà
Dì fraiata di cane, Dì fraiata di cane

Ti sente sopr'à l'ossi a pelle macca, Quand'è tù stringhji li to pugni in stacca
L'ochji fissi nant'à la negra tacca

Tù chì voli fighjà, U celu di dumane, È ci voli caccia
Tutte l'idee vane, Tutte l'idee vane

Ma dorme ùn poi più, ùn dorme mai, È rifletti à quesse le veritai
Chì t'avvingheranu tantu oramai

x2 | Tù chì voli crepà, Tutte le forze arcane, Quelle di l'aldilà
Inseme à le terrane, Inseme à le terrane

La la la la la, ...

Tù chì voli crepà, Tutte le forze arcane, Quelle di l'aldilà
Inseme à le terrane, Inseme à le terrane